

**“ՎԱՆԱՁՈՐԻ Հ. ԹՈՒՄԱՆՅԱՆԻ ԱՆՎԱՆ ՊԵՏԱԿԱՆ ՄԱՆԿԱՎԱՐԺԱԿԱՆ
ԻՆՍՏԻՏՈՒՏ” ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ
ՈՒՍԱՆՈՂԱԿԱՆ ԽՈՐՀՐԴԻ ԿԱՆՈՆԱԴՐՈՒԹՅՈՒՆ**

Ա. ԸՆԴՀԱՆՈՒՐ ԴՐՈՒՅԹՆԵՐ

1. Վանաձորի Հ.Թումանյանի անվան պետական մանկավարժական ինստիտուտի ուսանողական խորհուրդը (այսուհետև՝ ՈւԽ) ուսանողների ինքնակառավարման ներկայացուցչական-ընտրովի բարձրագույն մարմին է:
2. ՈւԽ-ը արտահայտում և պաշտպանում է ուսանողության շահերը:
3. ՈւԽ-ը գործում է ՀՀ սահմանադրությամբ, գործող օրենսդրությամբ, ինստիտուտի և սույն կանոնադրությամբ:
4. ՈւԽ-ի կանոնադրությունը հաստատվում է ինստիտուտի խորհրդի կողմից:

Բ. ՈՒՍԱՆՈՂԱԿԱՆ ԽՈՐՀՐԴԻ ՆՊԱՏԱԿՆԵՐԸ ԵՎ ԽՆԴԻՐՆԵՐԸ

1. Զորավիգ լինել ուսանողների սոցիալական խնդիրների լուծմանը, պաշտպանել նրանց շահերն ու իրավունքները:
2. Նպաստել ուսանողների ուսումնառության արդյունավետության բարձրացմանը, կենսագործունեության ակտիվացմանը, նրանց գիտակրթական, մտավոր, ստեղծագործական, բարոյական և հոգևոր զարգացմանը:
3. Անմիջականորեն մասնակցել ազգային հարստության պահպանման գործընթացներին:
4. Կազմակերպել ուսանողության ազատ ժամանցը, հանգիստը:
5. Ստեղծել կապեր ՀՀ և արտերկրի բուհերի, ինչպես նաև գործող երիտասարդական կազմակերպությունների հետ:

**Գ. ՈՒՍԱՆՈՂԱԿԱՆ ԽՈՐՀՐԴԻ ԳՈՐԾՈՒՆԵՈՒԹՅԱՆ ՀԻՄՆԱԿԱՆ
ՈՒՂՂՈՒԹՅՈՒՆՆԵՐԸ**

1. ՈւԽ-ը գործունեությունն իրականացնելիս առաջորդվում է իր նպատակներով ու խնդիրներով:
2. ՈւԽ-ը համագործակցում է ՀՀ-ում գործող համաբնույթ կազմակերպությունների, ինչպես նաև մասնավոր անձանց հետ:

Դ. ՈՒՍԱՆՈՂԱԿԱՆ ԽՈՐՀՐԴԻ ԿԱՌՈՒՑՎԱԾՔԸ ԵՎ ՂԵԿԱՎԱՐ ՄԱՐՄԻՆՆԵՐԸ

1. ՈւԽ-ի բարձրագույն ղեկավար մարմինը ինստիտուտի Ուսանողական Խորհրդի ընդհանուր ժողովն է:
2. ՈւԽ-ի ընդհանուր ժողովին մասնակցում են ֆակուլտետային ՈւԽ-ների ներկայացուցիչները՝ ըստ ինստիտուտի ֆակուլտետների ուսանողների թվի համամասնության:
3. Ընդհանուր ժողովը գումարվում է ուսումնական տարվա սկզբին: Ընդհանուր ժողովն իրավասու է, եթե նրան մասնակցում է ընդհանուր կազմի երկու երրորդից ավելին:
4. ՈւԽ-ի նախագահության որոշմամբ, ինչպես նաև ֆակուլտետային ՈւԽ-ների անդամների ընդհանուր թվի առնվազն 1/3-ի պահանջով կարող է հրավիրվել ՈւԽ-ի

արտահերթ ընդհանուր ժողով:

5. Ընդհանուր ժողովի որոշումներն ընդունվում են մասնակիցների ընդհանուր թվի ձայների պարզ մեծամասնությամբ՝ բաց քվեարկությամբ:

6. ՈւՄ-ի նախագահությունը կազմված է ՈւՄ նախագահից, փոխնախագահից, քարտուղարից, ֆակուլտետային ՈւՄ նախագահներից և, ի պաշտոնե, հանձնաժողովների նախագահներից:

7. Ընդհանուր ժողովը՝

ա) քննարկում է ՈւՄ-ի կանոնադրությունը, դրանում կատարում լրացումներ ու փոփոխություններ և ներկայացնում ինստիտուտի խորհրդի հաստատմանը:

բ) Քննարկում է ընթացիկ և հեռանկարային հարցեր:

գ) Ընտրում է ՈւՄ-ի նախագահ, փոխնախագահ, քարտուղար:

դ) Լսում է նախագահության հաշվետվությունը ընդհանուր ժողովների միջև ընկած ժամանակահատվածում ՈւՄ-ի կատարած աշխատանքների մասին:

8. ՈւՄ-ի նախագահությունը՝

ա) ընդհանուր ժողովների միջև ընկած ժամանակահատվածում իրականացնում է ՈւՄ-ի աշխատանքների ղեկավարումը:

բ) Համակարգում է ֆակուլտետային ՈւՄ-ների գործունեությունը:

գ) Նիստեր է գումարում 2 շաբաթը մեկ անգամ, որտեղ քննարկվում են ՈւՄ-ի ընթացիկ հարցերը, լսվում են զեկուցումներ ֆակուլտետներում և հանձնաժողովներում կատարվող աշխատանքների մասին:

դ) Առաջադրում է ներկայացուցիչներ ինստիտուտի ամսագրի խմբագրակազմում և ինստիտուտի արհմիութենական կազմակերպություններում:

ե) Առաջադրում և հաստատում է հանձնաժողովների նախագահներին, իսկ անբավարար աշխատանքի դեպքում՝ անվստահություն հայտնում և դադարեցնում նրանց գործունեությունը:

զ) Իր կազմում կարող է ընդգրկել մեկական ներկայացուցիչ՝

- բուհի շրջանավարտներից,
- վարժարանի սաներից,
- ինստիտուտի սփյուռքահայ ուսանողներից:

է) Անհրաժեշտության դեպքում հրավիրում է նախագահության արտահերթ նիստեր:

ե) Նշանակում է հանձնաժողովների նախագահներին և անհրաժեշտության դեպքում վաղաժամկետ դադարեցնում նրանց լիազորությունները:

9. ՈւՄ-ի նախագահության լիազորությունների ժամկետը լրանում է նորընտիր ՈւՄ-ի ընդհանուր ժողովի անդրանիկ նիստում: Ժամկետից շուտ այդ լիազորությունները դադարեցվում են ՈւՄ-ի անդամների ընդհանուր թվի 2/3-ի որոշմամբ:

10. Վերը նշված ոլորտներին չառնչվող կարևոր այլ հարցերով զբաղվելու համար ՈւՄ-ը կարող է ստեղծել ժամանակավոր հանձնաժողովներ:

11. ՈւՄ-ի լիազորությունների ժամկետը 1 տարի է:

12. ՈւՄ-ի նախագահը՝

ա) վարում է ընդհանուր ժողովի և նախագահության նիստերը, նիստերի ընթացքում կազմակերպում է նախագահության անդամների հաշվետվությունների ու առաջարկությունների լսում ու քննարկում:

բ) Խորհուրդը ներկայացնում է պետական մարմիններում և հասարակական կազմակերպություններում, ինստիտուտի ռեկտորատում և գիտխորհրդում:

զ) Ընդհանուր ժողովում հանդես է գալիս նախագահության գործունեության մասին կիսամյակային հաշվետվություններով:

դ) Անհրաժեշտության դեպքում հրավիրում է ՈւՄ-ի ընդհանուր ժողովի և նախագահության արտահերթ նիստեր:

ե) Համակարգում է մշտական և ժամանակավոր հանձնաժողովների աշխատանքները:

զ) Առաջարկում է փոխնախագահի և քարտուղարի թեկնածություններ:

Ուսխորհրդի նախագահ 1 տարի ժամկետով կարող է ընտրվել ինստիտուտի առկա բաժնի ցանկացած ուսանող, որն աչքի է ընկնում բարձր առաջադիմությամբ և հասարակական ակտիվ գործունեությամբ՝ ընդհանուր ժողովի ողջ կազմի ձայների երկու երրորդ մասը բաց քվեարկությամբ ստանալու դեպքում:

13. Փոխնախագահը՝

ա) զբաղվում է ֆակուլտետների ՈւՄ-ների և հանձնաժողովների աշխատանքների համակարգմամբ:

բ) Նախագահի բացակայության ժամանակ փոխարինում է նրան:

14. Քարտուղարը՝

ա) ղեկավարում է քարտուղարության աշխատանքները:

բ) ՈւՄ-ի հաստատմանն է ներկայացնում և կազմակերպում ֆինանսական բաշխումները:

գ) Կազմակերպում է ֆինանսական բաշխումները:

15. ՈւՄ-ը ստեղծում է հանձնաժողովներ հետևյալ ոլորտների աշխատանքների կազմակերպման համար՝

ա) մշակույթի, սպորտի և ազատ ժամանցի,

բ) գիտաուսումնական,

գ) լրատվության և քարոզչության,

դ) ուսանողների իրավունքների պաշտպանության,

ե) արտաքին կապերի և հարաբերությունների:

16. Հանձնաժողովներն իրենք են որոշում իրենց նիստերի գումարման պարբերականությունը, դրանց ժամկետները և անհրաժեշտությունը:

17. Հանձնաժողովի նախագահը ՈւՄ-ի հաստատմանն է ներկայացնում՝

ա) իր հայեցակարգը տվյալ հանձնաժողովի գործունեության վերաբերյալ,

բ) հանձնաժողովի նախագահի տեղակալի և առնվազն երեք անդամների թեկնածություններ:

18. ՈւՄ-ը կարող է ստեղծել ակումբներ, որոնք հաշվետու են մշտական հանձնաժողովներին:

19. Ֆակուլտետի ինքնակառավարման բարձրագույն մարմինը ֆակուլտետի ուսանողական խորհուրդն է, որը ձևավորվում է ներկայացուցչական սկզբունքով: Նրա անդամները ընտրվում են կուրսերի ժողովներում ուսանողների թվի համամասնությամբ:

20. Ֆակուլտետի ՈւՄ-ը՝

20.1. պարբերաբար վերլուծում և ամփոփում է կուրսերի ընթացիկ առաջադիմությունները և հաճախումները:

20.2. Ուսանողներին շահագրգռում է ինքնուրույն աշխատանքի, նրանց ընդգրկում գիտահետազոտական աշխատանքներում, սպորտային և գեղարվեստական ինքնագործունեության խմբերում, զբաղվում է նրանց բարոյագեղագիտական և ազգային-քաղաքական դաստիարակությամբ:

20.3. Կազմակերպում է միջկուրսային ստուգատես-մրցույթներ, հանդիպումներ և այլն:

20.4. Ամիսը մեկ անգամ գումարում է նիստեր:

20.5. Նախագահության կամ խորհրդի անդամների ընդհանուր թվի 1/3-ի պահանջով կարող է հրավիրել ֆակուլտետի ՈւՄ-ի արտահերթ նիստ:

20.6. Կարող է ունենալ մշտական և ժամանակավոր հանձնաժողովներ:

21. Ֆակուլտետի ՈւՄ-ի՝

21.1. անդամների ձայների պարզ մեծամասնությամբ բաց քվեարկությամբ ընտրվում են ֆակուլտետի ՈւՄ-ի նախագահը, փոխնախագահը և քարտուղարը: Ֆակուլտետի ՈւՄ-ի և նրա ղեկավար մարմինների ընտրությունները կատարվում են տարեկան մեկ անգամ:

21.2. Նախագահը, փոխնախագահը և քարտուղարը ինստիտուտի ՈւՄ-ի անդամներ են ի պաշտոն:

21.3. Նախագահը լիիրավ ձայնով մասնակցում է ֆակուլտետի խորհրդի նիստերին:

21.4. Նախագահությունը իր լիազորությունները ժամկետից շուտ դադարեցնում է ֆակուլտետի ՈւՄ-ի անդամների 2/3-ի որոշմամբ: Ֆակուլտետի ՈւՄ-ի նախագահի անբավարար աշխատանքի, պարտականությունների թերի կատարման կամ անգործության դեպքերում նախագահության կողմից վերջինիս կարող է հայտնվել անվստահություն, որից հետո երկշաբաթյա ժամկետում ֆակուլտետի ՈւՄ-ը ընտրում է նոր նախագահ:

22. Կուրսերում բաց քվեարկությամբ ընտրվում են ուսանողական խորհուրդներ՝ առնվազն 5 հոգուց բաղկացած, որոնցից մեկը ընտրվում է կուրսի ՈւՄ-ի նախագահ:

23. Կուրսի ՈւՄ-ի անդամները իրենց լիազորությունները դադարեցնում են կուրսի անդամների ընդհանուր թվի 2/3-ի որոշմամբ:

24. Կուրսի ՈւՄ-ը ունի իր լիազոր ներկայացուցիչը ֆակուլտետի ՈւՄ-ի կազմում:

25. Կուրսի ՈւՄ-ի նախագահը հրավիրում և նախագահում է կուրսի ժողովները, ինչպես նաև հետևում ժողովի ընդունած որոշումների կատարման ընթացքին:

26. Կուրսի ՈւՄ-ը կազմակերպում է կուրսի ուսման, հաճախումների ստուգման մրցույթներ, հետևում համակուրսեցիների կարգապահությանն ու առաջադիմությանը:

27. Կուրսի ՈւՄ-ը հարց է բարձրացնում ֆակուլտետի ՈւՄ-ի առջև ուսանողներին խրախուսելու, իսկ կարգազանցներին կարգապահական տույժի ենթարկելու համար:

Ե. ՈՒՍԱՆՈՂԱԿԱՆ ԽՈՐՀՐԴԻ ՖԻՆԱՆՍԱԿԱՆ ՄԻՋՈՑՆԵՐԸ

1. ՈւՄ-ը տնօրինում է նյութական և գույքային միջոցներ, անվճար օգտվում է ինստիտուտի տարածքային և գույքային միջոցներից: Նրա ֆինանսական միջոցները գոյանում են ինստիտուտի հաշվից կատարվող մասհանումներից, նվիրատվություններից, հանգանակություններից, կառավարության կողմից հատկացնող գումարներից և ՀՀ օրենսդրությանը չհակասող այլ աղբյուրներից:

2. ՈւՄ-ը ՀՀ օրենսդրությամբ սահմանված կարգով կարող է ձեռք բերել և տնօրինել նյութական միջոցներ:

Զ. ՈՒՍԱՆՈՂԱԿԱՆ ԽՈՐՀՐԴԻ ԼՈՒԾԱՐՈՒՄԸ

Ինստիտուտի ՈւՄ-ը լուծարվում է ՀՀ օրենքներին, ինստիտուտի կանոնադրությանը համապատասխան, ինչպես նաև ՈւՄ-ի անդամների ընդհանուր

Թվի 2/3-ի որոշմամբ: Լուծարումից հետո ՈւԽ-ի միջոցներն օգտագործվում են ՈւԽ-ի կանոնադրական խնդիրների իրականացման համար:

Է. ԱՆՑՈՒՄԱՅԻՆ ԴՐՈՒՅԹՆԵՐ

ՈւԽ կանոնադրության ընդունումից հետո բոլոր օղակներում, կանոնադրությանը համապատասխան, անցկացվում են ընտրություններ: